

元始无量度人上品妙經卷之十四

日精陽明品

道言昔於赤明天中紫陽空歌大寶光土受元始度人日精陽明无量上品元始天尊當說是經周回十過以召十方始當詣座天真大神上聖高尊妙行真人洞陽日宮帝后嬪妃日中天官仙民無鞅數眾乘空而來絳雲丹霄綠輿瓊輪華蓋垂蔭日精陽光九色鬱勃洞煥太空七日七夜諸天星宿飛精垂芒交輝射映空極神宮虛定天樞止旋玉機金衡端凝伫息神風靜默山海藏雲天景陽明炁流炯清一國地土山川林木緬平等無復高下土皆作紅玉無有異色眾真侍座元始天尊玄坐

道藏輯要

度人妙經

卷

角集三

空浮九龍陽明爛珠寶山法座之上說經一徧諸天大聖同時稱善是時一國男女仰瞻日精燦華九道陽明霞炁分布諸天信此真精爲萬物之祖說經二徧日中宮殿見千寶色天仙眾民咸歸正道說經三徧日中世界剛風所持獨立空際周行无窮說經四徧瓊軸駕雲紫金光聚下照无邊秀熟品物說經五徧天文大梵俱見日中字皆回旋霞芒曲折隱語深祕悉得洞悟說經六徧洞陽之炁九百萬丈下臨八極賢聖金寶憑炁生成說經七徧洞陽識明照徹幽夜白骸寒骨仰被溫曦隨明上登出離冥海說經八徧朱光四披玉石含精陽魂感接皆變丹英說經九徧洞室巖嶺栖真隱仙引景奔晨祖根開泰說經十

徧日精停瑞萬品凝滋金液渙洋槁朽成寶是時一國是男是女莫不傾心皆受護度咸得長生

道言是時元始天尊說經一徧東方无極无量品日中青帝大神無鞅之眾浮空而至說經二徧南方无極无量品日中赤帝大神無鞅之眾浮空而至說經三徧西方无極无量品日中白帝大神無鞅之眾浮空而至說經四徧北方无極无量品日中黑帝大神無鞅之眾浮空而至說經五徧東北无極无量品日中黃帝大神無鞅之眾浮空而至說經六徧東南无極无量品日中鬱儀赤飈大神無鞅之眾浮空而至說經七徧西南无極无量品日中鬱儀紫晶大神無鞅之眾浮空而至說經八徧西北无極无量品日中鬱儀炎象大神無鞅之眾浮空而至說經九徧上方无極无量品日中鬱儀金藏大神無鞅之眾浮空而至說經十徧下方无極无量品日中鬱儀陽明大神無鞅之眾浮空而至十徧周竟十方无極日魂帝君天真无量大神一時同至一國男女傾心歸仰各各相謂共爲議言我等夙以福因久承道力生居道境獲在日月之上但知乘光流景煥耀諸天激奔海嶽宮室園林皆成真金微妙之色今日元始示我日精陽明之法淘澤重陽嘻吸華彩至陽浹髓骨肉成金而三元九氣覆育品物自非日精不能餽飢至學之士外鍊金石調制水火日月有數造化克靈內養一形日爲心象日中之炁洞照百

關三萬神童奔陽浥景日爲火龍產成玉液胃爲土釜元火烹
鎔千日布功立成眞道我所知者法之邊徼元始所宣定當隱
奧願聞上法開我障山來者有如細雨密霧無鞅之眾迺國一
半土皆偏陷非可禁止於是元始四觀大眾周覽會中出紫金
光明臂約九色洞霄火玉離羅之服引手而出以大神力長三
十三萬里下摘日輪如攀甘果亭亭火色光徧十方來自空玄
日輪圓瑩內有山林河海宮殿城闔无量仙民逍遙自在如寶
琉璃中含金色一會天人咸皆近覩於是元始以此日輪變成
寶珠大如黍米在空玄之中去地九丈元始登引天真大神上
聖高尊妙行眞人日中帝后无量大神無鞅之眾俱入寶珠之

道藏輯要

度人妙經

卷

角集三

中天人仰看惟見拂拂從珠口中入旣入珠口不知所在國人
廓散地還平正無復欹陷元始卽於寶珠之內說經都竟眾眞
監度以授於我當此之時喜慶難言法事粗悉諸天復位條燄
之間寂無遺響是時天人值遇經法普得濟度全其本年無有
中傷傾土歸仰咸行善心明道明眞明法明戒明經明理明陰
明陽明神明炁言合洞章口無妄聲齊同慈愛異骨成親國安
民豐欣樂太平經始出教一國以道預有至心宗奉禮敬皆得
度世

道言元始天尊說經中所言並是日中上帝內名隱韻之音亦
是日宮內諱陽明之隱名也日爲三炁之元眾陽之父仰之神

仙无極引之天谷虛盈中生紫真存之滅屍鍊魂向之九霞注
靈造化因之而得神聖用之而明非世之常辭上聖已成真人
通玄究微能悉其章誦之十過祥光顯瑞五帝設禮神烏扇赫
金精騰耀赤車停輪丹輞不行羣魔束形鬼精滅爽迴屍起死
白骨成人至學之士誦之十過則五帝侍衛三界稽首陽明洞
照流火熾燃魔精喪眼鬼祆滅爽濟度垂死絕而得生所以爾
者學士穢炁未消體未洞真以制日精威未制天政德可伏御
地祇束縛魔靈但卻死而已不能更生輕誦此章身則被殃供
養尊禮門戶興隆世世昌熾與善因緣萬災不干神明護門斯
經尊妙獨步玉京度人无量爲萬道之宗巍巍大梵德難可勝

道藏輯要

度人妙經

素

角集三

道言凡誦是經十過陽明降仙日闕轉機九陰開翳泉戶生光
億曾萬祖幽魂苦爽皆卽受度上昇朱宮格皆九年受化更生
得爲貴人而好學至經道日捐陰九陽鍊質神光入心心如朝
暉五藏成金皆卽受度飛昇南宮世人受誦則延壽長年後皆
得作尸解之道日精浮空紫煙鬱朦神宅清鎮天靈高冲魂神
暫滅不經地獄卽得返形遊行太空此經微妙普度無窮一切
天人莫不受慶无量之福生死蒙惠上天所寶不傳下世至士
齋金寶效心盟天而傳輕泄漏慢殃及九祖長役冥官侍經五
帝玉童玉女各二十四人營侍神文保護受經者身

道言正月長齋誦詠是經五帝賜籙陽明度魂爲上世亡魂斷

仙无極引之天谷虛盈中生紫真存之滅屍鍊魂向之九霞注
靈造化因之而得神聖用之而明非世之常辭上聖已成真人
通玄究微能悉其章誦之十過祥光顯瑞五帝設禮神烏扇赫
金精騰耀赤車停輪丹輞不行羣魔束形鬼精滅爽迴屍起死
白骨成人至學之士誦之十過則五帝侍衛三界稽首陽明洞
照流火熾燃魔精喪眼鬼祆滅爽濟度垂死絕而得生所以爾
者學士穢炁未消體未洞真以制日精威未制天政德可伏御
地祇束縛魔靈但卻死而已不能更生輕誦此章身則被殃供
養尊禮門戶興隆世世昌熾與善因緣萬災不干神明護門斯
經尊妙獨步玉京度人无量爲萬道之宗巍巍大梵德難可勝

道藏輯要

度人妙經

卷

角集三

道言凡誦是經十過陽明降仙日闕轉機九陰開翳泉戶生光
億曾萬祖幽魂苦爽皆卽受度上昇朱宮格皆九年受化更生
得爲貴人而好學至經道日捐陰九陽鍊質神光入心心如朝
暉五藏成金皆卽受度飛昇南宮世人受誦則延壽長年後皆
得作尸解之道日精浮空紫煙鬱朦神宅清鎮天靈高冲魂神
暫滅不經地獄卽得返形遊行太空此經微妙普度無窮一切
天人莫不受慶无量之福生死蒙惠上天所寶不傳下世至士
齋金寶效心盟天而傳輕泄漏慢殃及九祖長役冥官侍經五
帝玉童玉女各二十四人營侍神文保護受經者身

道言正月長齋誦詠是經五帝賜籙陽明度魂爲上世亡魂斷

地逮役度上南宮七月長齋誦詠是經日精流金赤童負餅飲
兆玉醴長存不傾身得神仙諸天書名黃錄白簡削死上生十
月長齋誦詠是經日池寫光朱華玉英戲藥凝露金霞流香爲
國王帝主君臣父子安鎮國祚保天長存世世不絕常爲人君
安鎮其方民樂太平八節之日誦詠是經日精混成先天蘊光
周行玉京望拜金色仰希陽明得爲九宮真人本命之日誦詠
是經鎮兆神宮丹轂錦旌隨日以生得道之名魂神澄正萬炁
長存不經苦惱身有光明三界侍衛五帝司迎萬神朝禮名書
上天功滿德就飛昇上清

道言行道之日皆當香湯沐浴齋戒入室東向叩齒三十二

道藏輯要

度人妙經

卷

角集三
八〇四

通上聞三十二天心拜三十二過閉目靜思身坐九色紫雲
之內內外翫冥有青龍白虎朱雀玄武師子白鶴羅列左右
日月照明洞煥室內頂生圓象光映十方如此分明密咒曰
无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章曰精陽明上品傾光度人百魔隱韻離合自然混沌赤晶無無上眞未有天地自古固存月爲水胞日爲金精日如彈丸黑月胞之狀如雞卵內有五色旋爲五暈日居其中月抱其外元炁裹之漸變天地地昇於天天合於地其精混沌清濁未分名爲胞元天地既開日月分胎日精陽明其數九五以應乾位日昇東桑飛龍在天金水分形日精乃成晝昇夜降子午爲經日圓九萬中有金城洞陽之宮空青之林食其華實與日同壽飛行上清乘剛歷玄元始祖劫化生諸天開明三景是爲天根上無復祖惟道爲身鬱儀寶章曰帝靈書赤文

道藏輯要

度人妙經

庚

角集三
X 811

開廓普植神靈無文不光無文不明無文不立無文不成無文不度無文不生是爲大梵天中之天瓊池絳臺赤林丹京九龍陽燧上奔日城眇眇劫仞若亡若存土華離便大有妙庭金闕玉房森羅淨靈神霄梵炁周迴十方中有日精陽明之神中有南極長生之君中有東極青華帝君中有度世司馬大神中有好生韓君丈人中有南上司命司錄延壽益算度厄尊神回骸起死无量度人今日校錄諸天臨軒

東方无極飛天日中神王長生大聖无量度人
南方无極飛天日中神王長生大聖无量度人
西方无極飛天日中神王長生大聖无量度人

北方无極飛天日中神王長生大聖无量度人
東北无極飛天日中神王長生大聖无量度人
東南无極飛天日中神王長生大聖无量度人
西南无極飛天日中神王長生大聖无量度人
西北无極飛天日中神王長生大聖无量度人
上方无極飛天日中神王長生大聖无量度人
下方无極飛天日中神王長生大聖无量度人

十方至真飛天日中神王長生度世无量大神並乘晨霧霄燦
之雲流鈴丹瓊之輦絳芙彤輪驂駕朱鳳日精火龍建耀羅之
節赤珊靈旛前嘯九鳳齊唱後吹八鸞同鳴獅子神雀嘯歌囀

道藏輯要

度人妙經

堯

角集三
X.O.三

囀五帝啟途日仙扶轅億乘萬騎浮空而來傾光迴駕監真度
生金闕丞相南昌上官韓司主錄監生大神執籙把籍齊到帝
前隨所應度嚴校諸天普告三界无極神鄉泉曲之府北都羅
豐三官九署十二河源上解祖考億劫種親疾除罪簿落滅惡
根不得拘留逼合鬼羣日帝符命時刻昇遷北都寒池部衛形
魂制魔保舉度品南宮死魂受鍊仙化成人身受度劫劫長
存隨劫輪轉與天齊年永度三途五苦八難超凌三界逍遙上
清上清之天玉帝洞明無色之境梵行

東方八天

帝暉瓊梁天

帝總魔威摧

九丹耀華天

帝篤宴求韶

青林振陽天

帝玉琅希章

日直寶慧天

帝澤清守金

旦明悟祕天

帝精微高昇

樂境觀元天

帝術陲留

蒼野化都天

帝洞阜興雲

歷軫耀明天

帝荔華亭杵

南方八天

日車彤明天

帝光赤瞰

赤璣左徊輿神天

帝利蒙隱元

道藏輯要

度人妙經

李

角集三

圓景蔚臺天

帝庸熙驛符

備神紫興天

帝謁幽款幾

黃炁陽精天

帝遼昊房

朱娑帝都天

帝皇落持微

藥館雲文天

帝璇芳正仙

乘陽可周天

帝濟剛義沖

西方八天

絕兵素靈天

帝封關誓陰

秀樂慶舉天

帝肅安基

金芒聚霞天

帝碧雲凝垢

素炁七經天

帝鑠丹奇浮

資剛行迅天

帝役電令神

物錄資衛天

帝眇夷行修

律禁斷魔天

帝直印羅重

蘄仙玉龍天

帝青斧到牙

北方八天

運真布極天

帝環樞高璇

保神契宗天

帝察理考房

日盈都格天

帝蹈靈猶光

寶霞命真天

帝極思建平

道藏輯要

度人妙經

卷

角集三

蓬柱鎖鴻天

帝招損並敷

寂常體明天

帝連勤奉宗

報幾悟元天

帝叱底玄

元明安順天

帝鑄部聃

三十二天三十二帝諸天隱詳諸天隱名天中空洞自然靈章

諸天隱韻日中之音日中之尊日中之帝日中真皇日中之靈

九光十華變化上清无量之奧深不可詳敷落神真普度天人

今日欣慶受度降接日真漱霞曠景服御陽明金液鐸骨玉漿

返神身登寶車爲帝高賓升祖玄堂厯關諸天請滅眾惡斬絕

欲根飛度五苦名列太玄東斗輔左西斗弼右北斗殿軍南斗

太衝中斗隨輪驂日之後朱闕山聳絳都玉就運精施生世道
乃行青帝護魂日精傳肝白帝侍魄日精經肺赤帝養炁日精
鍊心黑帝通血日精退陰黃帝主脾萬物同依青帝神王角奎
洪儀赤帝神王迅烟傾離白帝神王素芒炎暉黑帝神王黔玄
紫光黃帝神王金靈八翔五帝大神日陽之宗運明虛游飛行
鼓從總領神兵麾幢鼓節遊觀太空自號赫奕諸天齊功上天
度人嚴攝北酆神王受命普掃不祥炎光吐毒赤甲四張火兵
前驅日將仗旛擲火萬里流鈴八衝敢有干試拒遏上真金鉞
前戮饗天後刑屠割鬼爽風火無停千千截首萬萬剪形魔無
千犯鬼無祆精三官北酆明檢鬼營不得容隱金馬驛呈普告

道藏輯要

度人妙經

卷

角集三
X三X

無窮萬神咸聽三界五帝列言上清

元洞玉歷太初龍康洞陽炁元胞胎伏藏眇眇億劫混沌之中
中如卵形日精赤靈日抱而生三景之根金水既坼上下弦分
爲光明者是日之魂上洞赤色下洞靈淵風澤廓虛大明麗天
天上天下無幽無冥無形無影無極無窮溟滓是道遼廓未光
赤明開圖運度自然元始安鎮敷落五篇赤書玉字日中瓊文
保制劫運使天長存梵炁彌羅萬範開張日精陽明三十二天
輪轉無色周迴十方旋斗歷箕回度五常三十五分總炁上元
八景冥合炁入玄玄日中太皇五帝高真汎景太霞嘯詠洞章
金真朗郁流響雲營玉音攝炁靈風聚煙紫景鬱儀日申萬仙

日精入身傳降三田鍊金爲液胚土爲鉛鑄入胃鑪心火腎泉
厥陰鼓橐液流百川碧海神龜吐氣如煙金液傳鼎胎成玉嬰
千和萬合自然成眞眞中有神長生大君無英公子白元尊神
太乙司命桃康合延執符把錄保命生根上遊上清出入華房
八冥之內細微之中下鎮人身泥丸絳宮中理五炁混合百神
十轉回靈萬炁齊仙仙道貴生无量度人上開八門飛天法輪
罪福禁戒宿命因緣普受開度死魂生身身得受生上聞諸天
諸天之上各有日門鍊陰全陽流火變形日精注凝克爲仙眞
中有空洞謠歌之章眞王靈篇辭參高眞

第一日精陽明飛空之音

道藏輯要

度人妙經

卷

角集三

元始赤精

三元賴成

朱光照徹

色洞幽冥

青林金華

瓊寶熒熒

赤城萬里

絳闕紅庭

五帝無爲

萬仙列卿

億民遊散

飲光食英

后妃玉女

燒香奏嬰

兆能引霞

奔神高清

金顏寶冠

錦旛繡旌

前導六甲

後從六丁

陽明之威

陰醜滅形

帝錫長生

延年久齡

上眞之道

九陽是稱

第二日精陽明眞王之章

日界遊空

浮行九宮

乘剛獨力

周駕神風

宇宙金色

山海一同

萬物賴生

三元共功

是元始身

分形變容

九鍊洞陽

出先洪蒙

朱芒靈烏

吐納太沖

兆能感之

明智靈通

靜察遠鑑

還老成童

物得感之

華秀清蕤

丹沙寶玉

燦耀瓊芝

珠泳雲海

鳳栖紫微

日精陽明

道之真歸

我詠無量章

保子無凶衰

道藏輯要

度人妙經

齋

角集三

第三日精陽明真王歌曰

丹霞飛紫煙

瓊輪湧明海

扶桑凝金芒

萬古色不改

故知元始精

先天蘊淵渟

九龍駕陽車

倏忽起世外

乾坤爲合谷

三炁亦既濟

日月爲神丹

吸精滅死潰

哀此頑滯仙

鍛石漫成塊

胡不引龍轅

運液落珠貝

穿節連百關

日氣破冥昧

咀雲碎紅璃

飲景以神醉

勿測蓬萊水

每惜生死對

晨本五帝前

道祕索玄會

此三界之上飛空之中真王歌音音參洞章誦之百遍名度南

宮誦之千徧眞王保迎萬徧道備飛昇太空過度三界位登仙
公有聞靈音眞王敬形敕制地祇侍衛送迎拔出地戶五苦八
難七祖昇遷永離冥官魂度朱陵受鍊更生是謂无量普度无
窮有祕上天文諸天共所崇泄慢墮地獄殃及七祖翁

道言此二章並是日中五帝鬱儀神王隱祕之音昭晰日精陽
明濛汜出入霞景濟眞之道三界賴之以開明二儀持之以分
判兆能納日精之炁披陽明之暉則金華變仙七祖受鍊皆是
大梵之言非世上常辭言無韻麗曲無華宛故謂玄奧難可尋
詳上天所寶祕於玄都高上神霄玉清王府道君降世隨運流
傳若有至人齋金寶質心依舊格告盟十天然後而付焉

道藏輯要

度人妙經

卷

角集三

道言夫天地運度否終日月五星虧盈至聖神人休否末學之
夫疾傷凡有此災同炁皆當齊心修齋六時行香十徧轉經福
德立降消諸不祥无量之文普度无窮

道言夫末學道淺或仙品未充運應滅度身經太陰臨過之時
同學至人爲其行香誦經十過以度屍形如法日精下流陽明
開陰骨鍊屍滅炁合天真魂神經上南宮隨其學功計日而得
更生轉輪不惑便得神仙

道言夫天地運終星宿錯度日月失暉四時失度陰陽不調國
土有災疫毒流行兆民死傷師友命過亦當修齋行香誦經夫
齋戒誦經功德甚重上消天災保鎮帝王下禳毒害以度兆民

生死受賴其福難勝故曰无量普度天人

道言凡有是經能為天地帝主兆民行是功德有災之日發心
修齋燒香誦經十過皆諸天記名萬神侍衛右別至人尅得為
聖君金闕之臣諸天記人功過毫分無失天中真王亦保舉爾
身得道者乃當洞明至言也

諸天中大梵隱語无量音 道君撰

元始靈書日精陽明中篇

東方八天

蒼明龍漪 畧苔泱蔽 寃漠沙隨

極浮蠡齊 檀爛蘇曷 覩生英妃

道藏輯要

度人妙經

套

角集三
リレメ

烈注倪羨 龍門狩尸 媽疊錫野

暴濱哀宜 詠暢司閤 斗環時裴

華薦直芒 忽晞靈披 鶴獵耿躍

眉玄酌微

南方八天

巢陽暄扶 熾真嚴晦 寶層報馮

鈍剛昌宣 婆軸浩雲 川護敏芭

映彰弔圖 狎光瑤盧 智哲採禧

抱衡存昭 幽厥鄙托 柱鉛飛吟

高蓋伽賞 含羶琅盆 窈岫洞炎

驅原華魂

西方八天

禪猷寂濛

潔嶺候涪

蹈凌酬緣

軸俞昌壽

庚途凝栖

辦黨喬依

聖度越延

食總休基

酉萼輦秋

由奚覽趨

厯錢步稽

畫拔屏持

邈在玄落

茂悅羣作

徧怙泊拜

倫匠舊額

北方八天

鎮佃邱塵

玉池慈源

海影首達

道藏輯要

度人妙經

卷

角集三

辰火沈旋

璫員淨寶

辟由光迷

彊論壯治

垂和邀瑰

專腹史修

白洮淪寶

耕遽申虺

清監槎排

丙綿司彪

穆都伴獨

持錚敷緒

涸鐸變梯

道言此諸天中大梵隱語无量之音舊文書曰闕長樓赤扉之上以陽鬱儀之光其道至禁爲太上不泄之旨萬物爲之依息千聖用之遊桓兆能知之招靈探真洞盈泥丸藥彈液泄神變成仙九祖受福身浮天雲字皆廣長一丈天真皇人昔書其文以爲正音有知其音能齋而誦之者諸天皆遣陽明神王下觀

其身書其功勤上奏諸天萬神朝禮地祇侍門大功真王保舉
上真道備尅得遊行三界昇入金門此音無所不辟無所不禳
無所不度無所不成天真自然之音也故誦之致神王下觀曰
帝遙唱萬神朝禮三界侍軒羣祆束首鬼精自亡琳琅振響十
方肅清河海靜默山嶽吞煙萬靈振伏招集羣仙天無氛穢地
無妖塵冥慧洞清大量玄玄也

道藏輯要

度人妙經

卷

角集三